



16. oktober 2019

UKA 2019/49  
Aqqalu C.Jerimiassen

**Meeqqanut pinerliisimanginnermut uppersaatiq imaa annertusillugu meeqqanik atoqateqarsinnaanngorsimasunik kinguaassiutitigut pinerliisimanerit ilanngunneqartalernissaat pillugu Kalaallit Nunaanni Meeqqanut pinerliisimanginnermut uppersaammut malittarisassat allanngortinneqarnissaat siunertaralugu naalagaaffeqatigiinni oqartussaaffinnut saaffinneqqullugit Naalakkersuisut peqquneqarnissaannik Inatsisartut aalajangiiffisassaattut siunnersuut. Allanguinerup peqataanik Namminersorlutik Oqartussat meeqqanut pinerliisimanginnermut uppersaammik piniarnissaminnut pisussaaffeqarnerat annertusineqassaaq inuit meeqqanut oqaatigineqartut ukiulinnut attaveqartartussanngorlugit atorfinittussat imaluunniit sullissisussat ilanngunneqarsinnaanngorlugit.**

(Inatsisartunut ilaasortaq Steen Lyngé, Demokraatit)

Inuk kinaluunniit piumannigitsoq atoqatiginiarneqartussaannigitsoq inuup perorsarsimassutsikkut iluamik eqqarsarsinnaasup ilisimaarissagaa naatsorsuutigereertarparput.

Taamaattorli inoqateqarpuguttaaq allaannerusunik, uagut taakkua inooriaasiat allanngortissinnaanngilarput imaaliallaannarluta.

Taamaattorli meerartatta illersungaernerat inatsisitigut maani pitsanngorsaaviginissaanut aqqutissiuussisinnaavugut, tamattami inatsisit ataani pituttorsimalluta inuttut ataasiakkaatut illersorneqarsinnaalluta inuugatta.

Naliginnaasuinnaassaaq takorluussallugu, kinaluunniit meeqqanik sullissisussaq soorunami inuttut unneqqarittuussasoq. Unammillernartorisinnaassangaali takorloorneqarsinnaassaaq, taartit (vikaritut) sulisorpassuit meeraaqqerivinni, meeqqerivinni, atuareernerup kingorna ornittakkani, meeqqat angerlarsimaffiini atuarfinnilu pissarsiniuttarnissaat malittuinnarmi, taarseraanng annertutillugu.

Taamaakkaluartorli qanorluunniit unammillernarsinnaangaluarpat meerartatta illersorneqarsinnaasunik sulisoqarnissaat pingaartuuvoq, suliassarmi taamaalluniaat naliginnaasunngussaqaarmat aallarteqqaarnermini unammillernartui pereerpat.

Tamannalu pillugu Atassummiik siunnersuut taperserparput.